

0340.205

39

126

知
貝
鱗
山
峯

和
員
縣
林
山
卷

卷
緒
本
庫
參
多
切
板
卒
實
興
局

賀縣志序

全君墨村宰賀之明年政成民和百廢具
舉邑無志乘爰與邦人士徵文考獻因乾
隆年間龍君皓乾手著志稿補綴叢殘增
以近事編輯成帙將付諸梓垂示將來以
賀為余舊治僉郵書索弁一言當時禁令
條教紀述留題多所采取並著於篇德淺
能薄何克當此憶同治庚午冬間承乏巖
疆距今逾廿餘稔矣茲奉

天子命旬宣是邦夙夜兢兢求所以澄清吏治
與吾民休養生息發函披牘猶恍與吾父
老諏風問俗時竊臨賀為五嶺之一縣治



據山環江犬牙交錯四境之民各安生業
商賈雲集田廬櫛比居然繁庶之區也而
自兵燹後元氣未復冊籍蕩然所賴良有
司暨都人士修明而補苴之者亦亟亟矣
夫邑之有志國史之支流也星野方域山
川形勝即史之天文地理志也戶口田賦

農桑物產即史之食貨志也學校壇廟水
利津梁即史之禮樂志河渠志也志祥異
志著述志名宦鄉賢即史之五行藝文世
家列傳也撫拾宜詳體裁必正使後之人
周覽輿圖鉤稽掌故恍然於廣輪之數物
土之宜與夫政治沿革風俗得失之端粲

若列眉得以善為籌謀而徐為安輯然則
方輿紀載其所關於國計民生者豈一手
一足之烈哉若夫綱領條目秉筆者各以
意創彼此互殊求其美善則上溯元和郡
縣志元豐九域志及歷代州邑有名志書
此考古之書也官司案牘六曹則例鄉邑

序

三

譜錄此知今之書也旁搜而博采之擇精
守約增損折衷奄有衆長庶幾卓然成一
家言是編之作之所憑藉其時其地為力
倍難而乃銳意任之補千百年之缺典經
十數輩之蒐羅紀事纂言粲然大備用以
章志貞教亦可謂知所當務矣墨村為吏

朝

有聲大府疏其能薦於

溫旨嘉獎益望興養立教勤求上理賀之人方
拭目以觀新政之成周濂溪舊游之地林
教授生長之鄉流風餘韻當有傳被於無
窮者予以斯志之成卜之且與是邦賢士

序

四

君子共勉之也爰附綴數言於簡端時
光緒庚寅孟夏花翎二品頂戴廣西等處
承宣布政使司布政使江都張聯桂謹序

序

余宰平邑嘗集都人士續修志書矣時權
賀篆為任君玉森亦以賀志甫成將質博
雅嗣因瓜代事不果行去春余莅是邦問
俗采風畧同平邑雖兵燹後元氣未盡復
然覽山川之秀麗撫民物之殷繁益見我

序

一

國家德澤覃敷無遠弗屆有官守者宜如何
休養生息也耶顧念邑之有乘亦吏治所
資賀志始自前明費君本無存板擬取任
君所未竟者而刊行之迨晤邑紳知近鈔
志稿多出乾隆年間龍君手著真一綫千
鈞也猶幸十年前邑孝廉蘇君煜坡龍君

紹儀李君熙駿綜十數輩之苦心補千百
年之缺典其中舊者訂之新者增之別類
分門都為六卷體例仍龍君之舊而益以
藝文一編雖嘉道數十年間職官姓名未
及旁搜備載要亦網舉目張矣乃以鮮所
折衷不敢自信經孝廉龍子紹儀携赴羊

序

二

城又經茂才黃生維鈞挈至桂管偶有釐
訂未付手民蘇君以近事多遺亟命取歸
重加修葺仍慮未經就正難以傳信將來
因念方伯張公曾官此地凡風俗政治
人物山川靡不親歷洞悉且才識學雅擅
三長遂相與呈請鑒定報曰可並賜弁言

余既欽佩 方伯舊治關懷宏施斧藻而
諸君或膺采訪或任纂修誠能當務為急
矣書將付梓余幸觀厥成爰為述其巔末

時

光緒庚寅仲夏補用同知直隸州知賀縣
事金谿全文炳謹序

原序

乾隆知縣周心傳

集邑人士爲續修志之議僉曰邑志在前明多舛畧無論矣我

朝垂百四十年風土人民泯沒無傳四民所由無觀感興起者職此也公急所當務公之志邑之福也風俗之原莫大於是顧吾賀爲里十八而幅員遼濶周遭巡歷積月不能通遐蒐遠訪分輯編纂在在需人且工料度支亦孔紛蹟經費之煩斷非獨力能勝是宜遍爲宣告凡在紳士耆老暨里中秀良罔不周知均宜盡力解輸上襄我公盛舉則觀成不日矣念余復視賀事得行初志

賀縣志

卷一

舊志引

以力薄不克獨任仔肩聞言滋媿焉爰述衆論以爲引

癸酉科拔貢舉人陝西郃陽縣

編輯

賀縣志

卷一

序

二

原序

邑人龍皓乾

賀自明嘉靖間太學生費君炳爲邑志前輩有見其書者謂煩簡不稱版本不存存者草本三十餘頁訛舛錯亂不知出自本版否壬辰邑侯周君宰賀議舉之未果向余亦亟欲令兒輩分行周訪編爲紀畧備芻蕘今且未逮癸卯周君復來蒞賀毅然從初願循近例令紳士自爲編纂以輯藁屬余乃訂焉序曰志以紀實今之邑古之國賜履也疆域山川村墟道路皆輿圖所統故首地理地理定則設險以守城郭爲先而官署學宮祠廟相因而立故次建置凡所建置皆以爲民而食爲民天授

賀縣志

卷一

序

又一

田有制田者賦所由出急公奉上胥於此覘民風焉故田賦卽次之經田賦者官也司牧以養裕教師儒以教全養兩端舉餘皆相助爲理耳故官師又卽次之夫惟立人達人聿稱治化有敷化者斯有沐化者力田孝弟下里賢豪釀成有自矣故次之以人物人材輩興登進之途不一而選舉得人爲多以紹前休以啟後進圖治者用考得失故又次以選舉然邑有志風俗之原也選舉風以文人物風以行官師主持風教也田賦風之自也建置者風所賴以綱維而地理所表著則所謂以其土之風風其土也故以風俗終焉凡七篇

賀之有志肇自前明費君炳繼於乾隆間龍君皓乾費志入國朝已無版本龍君雅意修輯事例完善顧亦未經梓行也光緒己卯邑歛資修學宮僉謂吾賀千百年來文獻無徵乃一缺典搜求龍志僅得鈔本壹帙而顛倒錯亂剝蝕者過半因與二三同志悉心釐訂參之省郡各志加以採訪粗成是書惟憾兵燹以後邑中先哲淪亡於嘉道數十年事實無所質證不免遺漏之懼稿既脫龍君品多携赴羊城將以就正博雅淹忽至今計又十易寒暑矣去歲金谿全侯令吾邑首以此事相屬乃將原本取回正其亥豕魯魚而益以近事數則體例仍龍志之舊亦以俟有識者論定弗敢僭也校勘畢並述其緣起於此光緒庚寅春邑人蘇煜坡識

賀縣志

卷一

又

賀縣志續修官紳姓氏

督修

補用同知直隸州 賀縣知縣 全文炳

纂修

前銓臨桂縣教諭丁卯科舉人 蘇煜坡

廣東補用知縣乙亥恩科舉人 龍紹儀

考取教習 丙子科舉人 李熙駿

採訪

花翎 候補知州生員 嚴文德

候選 府經 歷 鍾書鏞

賀縣志 卷一

續修官紳姓氏

校刊

生 員 鍾祖裕

生 員 鍾祖和

生 員 鍾祖彝

賀縣志卷首次序

張方伯序

全邑候序

修志緣起

舊志引

龍皓乾序

修志官紳姓氏

賀縣志總目

賀縣十八里總圖

縣城圖

賀縣志

卷一 目錄

賀縣志目錄

地理部卷一

輿圖

沿革

封建

分野

疆域

山川

廂里

道路

建置部卷二

城池

廨署

倉庫附

壇廟

寺觀附

津梁

古蹟

學校

學田學額書院賓興附

兵防

營制軍餉附

賀縣志

卷一

目錄

田賦部卷三

恩蠲

里甲

戶口

錢糧

鹽引

雜稅

經費

廉俸祀典孤貧鐸戶橋船渡夫役食附

官師部卷四

文秩

武秩

治績

謫宦

流寓

人物部卷五



列傳

忠義

耆壽

節烈

外志

選舉部卷六

薦辟

進士

舉人

貢生

武科

仕進

武勳

封贈

廕襲

風俗部卷七

風俗 獯獷附 物產

氣候

祥異 寇變附

藝文部卷八

賀縣志

卷一 目錄

二

書

頌檄

記序

詩